

Guangjisi Minzcu Bau

ganhhau: CN45-0036 B.2018 Nd.8 Ng.8 liggaeuq fouhswt nienz ndwenroek ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3336期

Bi 2018 Sawcuengh Vahcuengh Suijbingz Gauj- si Youq Guengjsae Minzcu Daihhag Gauj 2018 年度壮语文水平考试在广西民族大学举行

Ndwen 8 ngoenz 4 banhaet, bi 2018 Sawcuengh Vahcuengh sui-
bingz gaujsi youq Guengjsae Minzcu
Daihhag gauj. Baez gaujsi neix gungh
miz 371 boux gaujseng camgya
gaujsi, gaujseng cujyau daj Namz-
ningz, Liujcouh, Fangzcwnghz-
gangj, Ginhcouh, Gveigangj, Bak-
saek, Hozciz, Laizbinh, Cungzcoj
daengj 9 aen si daeuj. Gaujseng
mboujdan miz Bouxcuengh, lij miz
Bouxgun, Yauzcuz, Mauznanzcuz,
Mulajcuz daengj dem. Ngoenzhaenx,
Swcigh Minzyijveij fucujyin Veih
Yungjhungz, Yi Siz, fusinziyenz Yiz

Feih caeuq Guengjsae Minzcu Daih-
hag gvendaengz lingidauj cunzyawj
gaujciengz.

Ciuq Swcigh Minzyijveij gven-
daengz bouxucwz gaisau, Gaujsi
neiyungz baugvat Sawcuengh Vah-
cuengh yaemvah, sawloih, vahfap,
coenz vah, gap sawloih cau coenz
vah, yawjdoeg roxyiuj, fanhoiz
(Cuengh hoiz Gun, Gun hoiz Cuengh)
caeuq raiz faenzcieng daengj
fuengmienh cihsiz, cujyau dwg gauj
gij naengzlig yungh Sawcuengh
Vahcuengh. Gaujsi faen cogaep,
cunggaep, gaugaep 3 aen daengjaep,

saedhengz doengjit daihgang, doengjit
okdae, doengjit habgek biucinj,
doengjit guenleix saensik caeuq
doengjit mbawcingq daengjaep.
Gaujsi yungh bizsi hingzik guh,
gaujsi faensoq dwg 100 faen, gaujsi
cingzci 60 faen dwg faensoq habgek,
80 faen(baugvat) doxhwnj dwg daengj
gyap, 60 faen doxhwnj 80 faen
doxroengz dwg daengj iet. Danhfanz
bouxgaujseng gauj ndaej habgek
faensoq doxhwnj, Swcigh Minzyijveij
couh fat mbawcingq gvendaengz
daengjaep hawj de.

(Moz Binh)

Sanhgyangh: Daegsaek Fungcingz Yinx Bouxhek

三江: 特色风情醉游人



Ndwen 8 ngoenz 4,
Sanhgyangh Duncuz Sw-
ciyen Linzhih Cin Cwngz-
yangzbazcai Gingjih banh
“ciet namzgya · youzcay”,
vunzlai dangdieg yungh
gofoux Duncuz, minzuz
youzbyaij, guh ceiz, cimz
youzcay daengj cezmuz lai
yiengh yinx daeuj bouxhek
gak dieg. Ciuq cam rox,
bineix byongh bi gonq, aen
yienh neix gungh ciepdaih
bouxhek 423.1 fanh vunz-
baez, lijyouz cungjsouhaeuj
daengz 31.8 ik maenz,
fungcingz lijyouz gaenq
baenz gij haedsim moq
hawj beksingq Mbanjdung
vut gungz baenz miz. Ndaw
doz dwg beixnuengx Dunc-
cuz cingq biujyienj golaux
Duncuz.

(Gungh Bujgangh/龚普
康 Siz Siujyen/石小艳)

Dwzbauij: “Banhaemh Gyangjsiz” Haeuj Sim Lwgminz

德保: “夜话讲习”入民心

“Caen vut gungz, vut caen gungz,
neix couhwdg gunghcwngz gven lwg-
minz; nungzyez ak, lajmbanj gyaeu,
vihliux cienzmienh ndaej saenq-
hwng; guh gaijgwz, dingh banhfap,
banggunz bangcaiz vih beksingq;
caemh baenz miz, haeuj siujgangh,
cwngcwz dangj raeuz daeuj yinx-
lingx.” Mboengqneix, Dwzbauij Yen
“lajmbanj saenqhwngh vut gungz siuj-
gangh” banhaemh gyangjsiz hozdung
youq Cuzyungz Cin Laujboh Cunh
hainduj.

Haemh haenx, banhaemh gyangj-
siz hozdung doenggyaq gangj ciengq

vaiqbanj, gangj cawjdaez lajmbanj
saenqhwngh, bouxak bouxguhnaz gangj
gingniemh baenz miz daengj fuengsik
guh, hawj gij cwngcwz banggunz
dangj, lajmbanj saenqhwngh, cauhi-
baenz miz daengj neiyungz haeujlaeg
simvunz. Mwh gyangjsiz hozdung, lij
gyahaeuj “gij cingsaenz Cibgouj Daih
dangj, lajmbanj saenqhwngh, hwnjguh
lajmbanj gyaundeij” daengj cihsiz
neiyungz miz ciengj ciengjdap
dem.

Ciuq cam rox, Dwzbauij Yen
cungfaen fatok gij cozyung bingzdaiz
hagsib “Gyangjsizsoj Seizdaih Moq”

neix, cujciz bouxguhghong lij-
lun, ganbu gihcwngz, bouxgyangjsiz,
bouxienj Heiquengh baihnanz,
yungzhaeuj Heiquengh Dwzbauij,
fwen Bouxcuengh, ngeihyienz ndok-
max Bouxcuengh daengj minzcu
yisuz dangdieg, yungh gij fuengsik
doengsug rox ngaih, haengj dingq
gyaez yawj haenx, bae yanghcin,
segi, mbanj daengj, haiguh hozdung
gangj gij cwngcwz vut gungz gunggh-
dangj, lajmbanj saenqhwngh canloz
daengj neiyungz, ndaej daengz vunz-
lai angqcoux.

(Cinz Yinzbauij)

SIUSIK DINJ

简讯

● Ndwen 8 ngoenz 1,
Bingzgoj Yen banh aen vanjvei
bing minz lienzvuen “bet it”
“doengz hoh cietlaebbing caez
gangj cingz naekgywd”, 《Cing-
cung Bauq Guek》《Ngwzheu》
《Diuq Hwnjdaeu》 daengj
cezmuz ndeiyaew hawj bouxyawj
yawj dwk lwgda mbouj yaep,
mboujdan langhbaej le bing
vujgingj duxxaiz lai, hix
demgya le gij cingz naekgywg
bing minz.

(Nungz Veiswnh)

● Ndwen 7 ngoenz 31
banhaemh, Denzyangz Yen youq
Aen Gvangjangz Baeuqroxdoh
banh aen vanjvei vwnzyi
cienciengz lwnyez diuqfoux,
vanjvei cawjdaez dwg “foux-
doengh geizcik, guhbaenz
mwngz gou”. 100 lai boux
lwnyez doxlwnz hwnj daiz
biujyienj, vih bouxyawj biuj-
yienj 《Loekrumz Iq Baenq
Baenq Baenq》《Vunjva Mbin
Hwnjdaeu》 daengj 18 aen
cezmuz diuqfoux.

(Vangz Gozsun)

● Ndwen 8 ngoenz 2,
ganbu cizgungh Denzlinz Yen
Gunghsanghiz bae daengz
Bazgvei Yauzcuz Yangh Vei-
byauh Cunh, doenggyaq gij
hingzik gien daengq haiguh
gyangjsiz hozdung, caeuq
vunzlai doengzcae hagsib gangj
Gij Ngeixnaemj Siz Ginbingz
Sevei Cujyi Miz Daegsaek
Cungguek Seizdaih Moq.

(Siz Cing)

● Bineix doxdaeuj, Denz-
dungh Yen doenggyaq hengzguh
dinfwngz gunghcwngz, bang
sonsaw gunghcwngz, vwnzva
gunghcwngz daengj gungh-
cwngz, cujciz gohgyau, vwnzva,
veiswngh, nungzyez daengj vunz
bae lajmbanj, yungh son'gyauq
dinfwngz, soengq yw roengz
mbanj, soengq vwnzva roengz
mbanj caeuq camcaz fugsah
daengj lai cungj fuengsik
fugsah vunzlai gihcwngz.
Seizneix gaenq gyoepsuenq
haiguh gak cungj son'gyauq
hozdung 110 ciengz, cwgoemq
daengx yienh 10 aen yanghcin,
fat swhliu 6000 lai faenh hawj
vunzlai, leih daengz vunzlai 1.5
fanh vunzbaez.

(Huz Yungz)